

本草纲目 草部 第二十卷



石斛

【释名】石莲、金钗、禁生、林兰、杜兰。

【气味】甘，平，无毒。

【主治】伤中，除痹下气，补五脏虚劳羸瘦，强阴益精。久服，厚肠胃。本经。补内绝不足，平胃气，长肌肉，逐皮肤邪热痲气，脚膝疼冷痹弱，定志除惊。轻身延年。别录。益气除热，治男子腰脚软弱，健阳，逐皮肌风痲，骨中久冷，补肾益力。权。壮筋骨，暖水脏，益智清气。日华。治发热自汗，痲疽排脓内塞。时珍。

【附方】新二。睫毛倒入川石斛、川芎莠等分，为末。口内含水，随左右啗鼻，日二次。袖珍方。飞虫入耳石斛数条，去根如筒子，一边钗入耳中，四畔以蜡封闭，用火烧石斛，尽则止。熏右耳，则虫从左出。未出更作。圣济。

骨碎补

【释名】猴姜、胡孙姜、石毛姜、石庵苘。

【气味】根：苦，温，无毒。

【主治】破血止血，补伤折。开宝。主骨中毒气，风湿疼痛，五劳六极，足手不收，上热下冷。权。恶疮，蚀烂肉，杀虫。大明。研末，猪肾夹煨，空心食，治耳鸣，及肾虚久泄，牙疼。时珍。

【附方】旧二，新三。虚气攻牙齿痛血出，或痒痛。骨碎补二两，铜刀细剉，瓦锅慢火炒黑，为末。如常揩齿，良久吐之，咽下亦可。刘松石云：此法出灵苑方，不独治牙痛，极能坚骨固牙，益精髓，去骨中毒气疼痛。牙动将落者，数擦立住，不再复动，经用有神。风虫牙痛骨碎补、乳香等分，为末糊丸，塞孔中。名金针丸。圣济总录。耳鸣耳闭骨碎补削作细条，火炮，乘热塞之。苏氏图经。病后发落胡孙姜、野蔷薇嫩枝煎汁，刷之。肠风失血胡孙姜烧存性五钱，酒或米饮服。仁存方。



石韦

【释名】石蔗、石皮、石兰。

【气味】苦，平，无毒。

【主治】劳热邪气，五癰闭不通，利小便水道。本经。止烦下气，通膀胱满，补五劳，安五脏，去恶风，益精气。别录。治淋沥遗溺。日华。炒末，冷酒调服，治发背。颂。主崩漏金疮，清肺气。时珍。

【附方】新五。小便淋痛石韦、滑石等分，为末。每饮服刀圭，最快。圣惠。小便转脬石韦去毛、车前子各二钱半，水二盏，煎一盏，食前服。指迷方。崩中漏下石韦为末。每服三钱，温酒服，甚效。便前有血石皮为末。茄子枝煎汤下二钱。普济方。气热咳嗽石韦、槟榔等分，为末。姜汤服二钱。圣济录。

